

天安金氏大同族譜序

夫譜所以上溯祖宗養其報本追慕之心下收子姓以修睦族敦叙之行者也其事豈不重哉其義豈不大哉是故程子論厚風俗之道而歸重於譜系蘇氏講修世譜之義而歸本於孝悌皆可謂原天理本人情而識得要義者也恭惟我天安之全肇基之祖六十餘世子孫之盛其麗不億而修舉譜牒洽爲十冊其於敬宗收族可謂謹且勤矣然今距辛未之譜殆已近三十年之久而生卒嫁娶大小多矣又况世級降究鬼魅充溢南北角立人類渙散同姓同祖之親不啻至於路人則此曷故焉職由於無倫無族不孝不睦而致也宗中長老爲此懼咸曰當此地頭欲維繫宗族之心保全敦睦之義舍譜奚以哉於是修譜之論峻發舉宗之謀僉同收單而明譜系鳩財而立物力將登梓廣布貽謨後裔此誠舉一門莫大之幸而實惟我祖先之靈默相其事以底于成也於乎我列先祖孝悌忠烈之善行美蹟文學勲勞之盛德弘業赫々炳々光耀前後其在餘人尙多觀感而興起况一氣相禪相絡之子姓宗族乎是譜也規模詳密事蹟明確其可效可法者瞭然如視諸掌凡我諸族珍藏鑒覽居則存其心而養六德動則察其事而修六行苟能承先裕後貢鄒魯之家風根培枝達閱萬春而共榮則祖宗在天之靈豈不欣々於冥々之中曰吾有後吾有後也或者以爲國梗未

化漏者頗多不無北寒南煖之歎而亦有欠於祖宗均視之意也噫形隔勢禁誠若是言然君子不以小不備就其大不備烏可緣此而已之哉而况天道好環無往不復若有視中國如一身視天下如一家者出而克修天工敦五典庸五禮則吾宗之此日此舉安知不爲異日會通之一大助乎蓋唐帝之平章百姓必始於親九族宋相之先憂後樂必本於恤宗族惟我諸族其亦念之哉余於是役終始叅聞其未議遂略志其梗槩如此又以孝敬二字申言之庸寓相勉之意云爾

歡城君紀元一千九百七十五年丁酉 月

日

后孫 恭鎮

海龍 謹序

國無無史之政家無無譜之族政無史無徵治平之鑑族無譜不辨昭穆之序故周官小史之職宋儒蘓氏之譜自此始焉而宗廟嚴而重社稷叙彝倫而重氏族古者賢聖之君治道之綱領也惟我全氏發源於百濟開國功臣十濟元勲諱聶肇基歡城(天安)名卿碩輔羅列聖朝封君拜相代不乏絕濟麗之間真可謂名門巨族矣挽近以來崇尚隱逸忌避黨爭勢門洪閥雖有遜於前代忠孝烈節文章道學旌閭社院相望列邑麗億雲仍蔓延八域者豈

非先祖在天之靈庇覃於后裔者耶噫自始抵今年幾二千許世殆六十遠而漸渺疎而又散卒未修譜近綏一紀庚寅以來世表道喪洋風掀天先王之化於是乎熄焉而緣是之懼有志賢宗初發修譜之議海內諸宗莫不響應齊輻湊蓋事之有初鮮終先哲之所戒也而以吾庸累充此不勝之役萬無一能敦睦之志余亦素在故依古人之禮而閱國史以輔闕考文獻而就正編纂成秩尊祖敬宗之誼承先祫後之道至是乎復明矣歟盥手謹書于篇尾

檀紀四千二百九十年丁酉

月

日

後孫 海一 謹拔

自甲寅譜至辛未譜凡十回而舊譜序文載在舊譜不必疊刊故只錄序跋數篇以爲後孫尊慕之義焉

全氏天安土姓也世稱以名門右族矣近代以來後孫表微旣鮮立揚又未繫衍其嘆曷極况先世族譜遺失於知敦寧全自完女婿縣監僕甲孫之家俾我後裔未知先世名號世數

尤爲慨歎余以宗末艱以尋問記于其槩然而兵相以下丞相以前未詳其世系是恨如何
同派之人無處不在幸俟後遇諄問最可

萬曆十五年丁亥

月

日

全世翼謹記

余讀中華爛史至文文山方正學之裔孫得寶藏籍民而無間代之失未嘗不繫節嘆賞乎
神理之無憾也今於天安全氏譜亦見之矣謹按全氏肇祖乎百濟功臣歡城君諱 聶而
間多闕畧代序仍逸爲後姓痛骨之恨伊來久矣雲仍 浣慨然發憤與其族海龍走北關
千餘里閱栗溪姜必東所撰氏族摠譜考其數十代無徵之譜系以爲足而又得中華延吉
縣所藏本孫仁健家譜而自相脗合益信無疑乃議與正譜通告諸宗合謀登梓主其事者
箕欽載敏也於是乎全氏之譜鑿有據始歸於正而如非其祖先之精靈子孫之血誠其
感應之妙能如是乎竊謂全氏上世節烈勲業史不絕書蔚然爲我東之巨閥中葉焉浸衰

史多闕傳一朝取足於數百年之久善譜之出豈偶然而已矣乎全氏之興其將兆於此矣
勛哉全氏乎記曰尊祖敬宗敬宗故收族收族之道不外乎敦睦敦以叙其義睦以和其
情修譜之義盡乎是矣其宜父詔其子子承其父兄弟愛友宗黨雍睦宗支之別昭穆之序
尤所當戒兢者蓋自祖先視之則均是一脉固無輕重厚薄之分雖疎遠之族其敢視而路
人哉天下萬姓各自正其譜敦其行以尊其祖以敦其族則孝悌之心彌滿穹壤舉一世於
磐泰之安奚啻全氏一家之興已矣乎譜將成全君大榮謁序於余余昔犯諫納履鄉第兼
且不文而屋社閣筆積年所矣竊有感於文方二先生家事而不忍孤世好遂爲之序

辛未臘月哉生魄嘉善大夫行侍講院兼輔德原任奎章閣直學士禮安李貞列書

局爲而譜尊祖也敬宗也收族也萬姓各自尊其祖敬其宗收其族則天下安矣譜於天下
其關不已重乎故君子重譜焉忘祖愆宗遺族者固不足道好貴樂勢而謬譜者尤不可言
譜表而天下亂矣有志世道者苟見正其譜者可不爲三致意焉爾矣乎全氏之貫天安旌
善其本同出於百濟歡城君歡城卽天安古號也自後八百年間文獻無徵遂失代序各據
其所可證以爲譜而旌善氏自以爲宗天安氏疑而莫之辨數百載矣然則兩貫氏之譜難

謂得譜之正也余同門士浣卽天安氏也嘗慨其譜之不明矣往年與其族海龍北考栗溪姜氏氏族總譜則八百年間代序鑿之有據而天旌宗支之序自分其餘派系之素蓄疑而無可徵者皆瞭然視掌矣於是議與正譜則旌善氏還疑姜譜而不之從天安氏遂獨正其譜而浣謁余序噫姜譜而可徵者天安氏之正其譜可謂得譜之正而旌善氏疑而不從亦將何據而破其惑使之同歸於正也歟余謂祖宗之一世未詳一諱未明一墓不傳亦爲子孫之憾而金氏舊失八百年間數十代序其爲憾曾何如而今因姜譜之足徵而正之其爲驚喜又奚啻弱喪之子猝遇父母於久遠之後而已哉於是乎天安氏孝弟之心可以油然而生矣因其生而遂加保守擴充之功父慈子孝兄友弟恭而尊其祖敬其宗愛其族則天安氏豈不又其命維新耶苟萬姓之觀感而取法焉將一天下而舉安矣天安其今日之勝乎

有韓隆熙紀元之辛未季冬日首陽吳震泳書

全氏始祖

一世
二世
三世
四世
五世
六世
七世

全聶

子虎翼

子槃

子孝誠

子舜恭

子萬里

子實

下見

百濟溫祚王開

國初與烏干

馬黎乙晉解

婁屹于郭忠

韓世奇等九

人共治兵事

以十濟功臣

始封歡城君

時

百濟元年癸卯

漢成帝鴻嘉

三年

後孫追慕

石刻于鎮

安羽化山

駕鶴臺

公有神勇特

異

百濟多婁王乙

亥拜兵相

漢光武建武

中元間

義城將軍

百濟己婁王壬

午入漢國封

關西弘農侯

仍居于中原

生一子

弘毅將軍太

傳

公事漢和帝

拜銳意將軍

太保少卿

子二
舜吉

大將軍

配董氏父中書

仁元

子汝均

尙書

配鄭氏

子二
汝字

子三
汝完

太傳

子三
舜良

太傳